


BUNO BUSHIKU ILI

ILEMBO NALIFIKILISHIWA

 Natotela, Munyina Demos, Munyina Carl Shakarian, nangu, Demos Shakarian, Munyina Carl Williams, nabonse abeshile, bonse. Ndetontontonyafye ukutila munyina, umuntu kalima pano, nalangisha ico Nacilafwaya ukulanda, muno nshita yabushiku, ukutila ena nasendafye ifyakulanda fyandi ukufuma kuli ine. Pantu, Ninsangalala muli uno, Nincetekela, uno musonkano, ukucila pamusonkano uuli onse untu Nasangwamo. Nshatala mona, mumusonkano uuli onse, ukumfwana ukusuma kabili nesenge ilituntulu ilyaba ifyo kabili nokutemwa kwa bumunyina. Icintu cimbi ico Ncintile, Ninkumanya abantu abengi abapya abakuya ku Muulu, ba munyinefwe abapya abo Nkweteko insambu shakuposhanya nabo mumunwe nokulanda nabo.

² Inshikufye ishinono ishapitapo, Nalekutika kuli munyina uwaku Baptisti uwikele palya. Nimfilwa ukwibukisha ishina lyakwe. [Munyina Shakarian atila, “Irvin.”—Kale.] Irvin. Kabili aletele icitupa kuli ine ukufuma. . . Ndecetekela nikuli nyina wakwe, uyo uwikele palya muno nshita ya bushiku. Alisunga cilya icitupa camapepo pa myaka amakumi yabili.

³ Aletelwe mukulongana, alefwa kubulwele, ico limbi dokota ewinga londolola ifyo cali. Cena cali cintu cimo kwati fibashi, lelo tacali fibashi. Imwe fye. . . Balimubombele, baputwile icaba ngomutoto ukufika apa, nangu icintu cimo, lelo alifye kwati cilimbwa, kuti aikalafye palya. Kabili ilyo aleikala palya, limbi icitupa cakwe bakana ukupunda nangu icili conse, alefilwa ukwingila mu mulongo waba kupepelwa, Mupashi wa Mushilo ansontelele kuli ena. Kabili nabwela ali pano munshita ino iya bushiku, alyundapwa, kabili tuletotela nganshi pali ico. Pa. . .

⁴ [Munyina Shakarian atila, “Munyina, Ndetontontonya—Ndetontontonya Howard Irvin ali palya alefwaya ukulanda kuli iwe, lelo Ndetontontonya nasenge ali pano. Limbi kuti twamusuminisha aimininako.”—Kale.] Bushe kuti waimininako? Na—nasenge wakwa. . . [“Ulya palya. Sunkanyako ukuboko kobe. Sunkanyako ukuboko kobe.”]

⁵ Lesa akupale, nkashi yandi, pacicetekelo cobe icabulamba mu Mwana wakwa Lesa. Leka Alekusunga uwa bumi ubusuma mpaka nenshita Akakwita ku Mwesu, lintu uyu umubili uufwa ukafwala icishibola. Ndetotela nganshi pali ico, ukutontontonya ukutila asungile ico icitupa pali iyi imyaka yonse nomba, kabili nomba wacileta pano kuli ine nokunangisha munshita

ino iya bushiku. Nawishiba, Nacilatila, cena cili kwati mukate uwabikwa pamuulu wa menshi, wabwelela kuli iwe, lintu waesha ukucita icintu cimo ukucitila umuntu umo umbi.

⁶ Nomba, Ninkwata insambu iyakukumanya abengi aba bakapyunga abasuma, kabili Ndetotela icine cine pesenge lyabo ilisuma, noku ukumfwana. Munyina Carl acibilisha kuli ine ukuti ningabwela muli uyu umwaka uukakonkapo, nga cakutula Shikulu asuminisha, kabili ilyo ifwe tuli pano pesonde. Kabili, ukuba, Ndesubila ukukumanya cila umo pali imwe pano muli uyu umwaka uukakonkapo nakabili, kabili cila umo akese no muntu umo pamo naena.

⁷ Nomba palifye icintu cimo ico Ningafwaya ukulanda pa cintu icinono palwa ico, limbi pakashitafye akanono.

⁸ Pantu, Dokota Reed ewalashimikila ukukonkapo, kabili Ninjisa pabulendo ubutali ukwisa pano muno nshita ya bushiku, Nyendele imyanda ibili namakumi yasano iyaba mailoshi iyo Ine...pakwenda ubu ubulendo, ukwisa umfwa kuli Dokota Reed. Kabili icintufye cimo cacicitika pakashita akanono akapitapo ico Ningafwaya...Lelo—lelo, Dokota Reed, kuti Naensha ba mailoshi ikana limo ukwisa mukumumfwa. Lelo icintu cimo nacicitika...Ukutulafye apo Mfikile pano, Ine kuti naensha ba mailoshi ikana limo ukwisa umfwa ifyo Nacumfwa pakashita akanono akapitilepo, icintu icawama ngefyo, icintu cimo ico umubili no mulopa tekuti fisokolole. Cisendafye Mupashi wa Mushilo ukucita ico. Kabili ukumona umuntu umo uyo uwacikoselesha umweo wandi munshila ilya, kabili icine cine kuti Naba uwatotela nganshi mu mweo wandi onse.

⁹ Ico Nacilafwaya ukulanda caciba—caciba, nga cakutula Ine naciba nokukwata icakubombelwa, kuti naita dokota wa fyamuti natila, iwe—iwe isa kuli ine, Dokota Reed, nombaline. Ine—Ine kuti nacetekela umuntu uwakumombela, nga cakutula Ine ninkwata umo, mu maboko ayo ayacetekela Lesa, uyo—uyo ewingaba umo Ningafwaya ukubombela pali ine. Kabili eico ifwe...Nincetekela Ine tekuti mfwaye ukukwata ico. Lelo nga cakutula kuti Nacita, kuti Nafwaya ena, nangu umuntu uwaba nga ena, ukubomba umulimo, nga cakutula talipo.

¹⁰ Kwali icintu cimo icacitike ubushiku bwafumineko, icakutula, nangu mailo munshita ya cungulo kasuba, ukucila, ico icali iceni kuli ine. Kabili Nalalanda mukwipifya, pantu Nshilefwaya ukusenda inshita yakwa munyina, ilyo alashimikila. Lelo Ninsubila cena cakubombela pamo nobupyungishi bwandi.

¹¹ Ine—Ine ndamona utuntu utunono. Pamofye ngefyo icintu conse icinono calikwata ubupilibulo, kuli ine. Nshilecetekela ukutila icili conse cilacitika ku mwina Kristu mukupumikisha. Ndetontokanya ukutila cena calashikwa na Lesa, pantu Yesu atile Ali nokupanga ifintu fyonse ukubombela capamo

kubusuma kuli abo abatemwa Ena. Eico Nacetekela ukutila conse icintu icinono mu—mu bupyungishi ubunono ubwaicefya ubo a Mpela, ukwafwilisha imwe mwe bantu, ukwafwilisha cila umo, kabili naimwe bonse mwaliba ubwafwilisho kuli ine, ukwafwilisha cila umo nomunankwe ukuya mu Bukata. Mukutila, icintu conse icinono calikwata ubupilibulo, kuli ine. Lelo ico cali icankosela ukucetekela ico, munshita yacungulo kasuba mailo, lintu Nalufishe apakubelenga pandi kuno. Nde—Ndemwebwa, Nshatala mfika uko mumweo wandi. Kabili, nomba, umukashi wandi—wandi ampele Baibele iipya nge cabupe capa Ciminshi minshi.

¹² Iyandi iyakale Imo yalifye iyapwa. Naliba Nayo pamyaka amakumi yabili nomba, yapelwe kuli ine na bantu abaku Houston Gospel Tabernacle, imyaka iingi iyapitapo, lintu Natampile imisonkano. Kabili eico Inefye, Naliitemwa Yena nganshi, kabili Ine . . . amapepala namabula, pakwabuka bemba, nokuya monse, mpaka Ine . . . yena yasukamofye. Kabili Ine limbi kuti natola ibula limbi ukufuma mu Kutendeka, kabili mfwire nalolesa ukufuma mu Malango pa ncende pamo pakuti nsange ico, namwishiba, apo Nalibwekeshafye muli Baibele. Eico, anshitileko imo pa Ciminshi minshi. Kabili Nalipatile ukubika i Buuku lyakale lubali, Yena yaliba iyatemwikwa kuli ine. Natile, “Nga cakutila Nasendelwe ilyo Yesu talaisa, muka Iilambalike pali ine. Nokuleka Yena ukuya pamo na ine, kabili Nkesa Nayo ilyo tukema.” Eico nomba, ilyo litontonkanyo lyandi, nangu cingaba ifyo.

¹³ Ngefyo Nalelanda ilyashi lyakale ilinono. Ndesubila ici tacili ica bukapepa bwacilamo. Lelo Naile ku . . . Umuntu anjebele umuku umo, Ndecetekela cali ni Munyina Earl Prickett, mukulongana ukwali mu New York; kabili Nakumenye umuntu, atile, “Ntile, cinshi ico ulecita naba bantu bashimakwebo baume, iwe nga kashimikila?”

Natile, “Ndi shimakwebo.”

Kabili atile, “Musango nshi wa makwebo ucita?”

¹⁴ Natile, “Ukushininkisha.” Nomba, ena atontonkenye ukutila Natile, “icakucingilila,” mwamona. Eico Natile, “Icakashininkisha.”

Atile, “Oh, musango nshi wa cakucingilila ushitisha?”

¹⁵ Natile, “Umweo wa Muyayaya.” Umuyayaya! Atile, “Nshishitisha Ico. Ine ndifye kasunga we funde, palwandi, kabili Ndesha ukweba bambi Ico.”

¹⁶ Ndeibukisha umulumendo uo Naile nankwe kusukulu, inshita imo, kabili aleshitisha ifyakusungisha indalama, ukushipoka nga kwacitika fimo. Nomba, ukusungisha indalama cilifye bwino, lelo Nshakwata nangu shimo. Nomba, eico ena aishile ku ng’anda yandi, kabili atile, “Billy, Ine kuti nafwaya ukukushitishako icitupa cakusungisha indalama

cimo.” Atile, “Nalishiba munonko.” Munyinane ashitishisha ba Metropolitan. Atile, “Ukuba,” atile, “Kuti nacita ico, Ndefwaya ukukushitishako cimo.”

Natile, “Oh, Wilmer, natotela.”

17 Kabili iwe uli...ena limbi ali muno muno bushiku, munyina, alemba pafyalembwa mu *Muputule Wapa Muulu*, ibuuku, *Umuputule Wapa Muulu*. Eico ena . . .

Natile, “Nalikwata icishininkisho.”

Atile, “Cinshi?”

18 Kabili umukashi wandi andoleshe kwati Nali bumbimunda. Ena . . . kabili Natile . . . Eico atile, “Billy?”

Kabili Natile, “Ee, uh-huh, Nalikwata icishininkisho.”

19 Kabili atile, “Oh, Nje—Njeleleniko,” atile, “Ine nshacitile . . . Naumfwile ukutula tawakwete icitupa cakubikisha indalama nangu cimo.”

Kabili Natile, “Iyo, Nakwata icishininkisho.”

20 Kabili—kabili alinjikete, ifyo Nalandile lilya. Atile, “Cinshi ico wacilanda?”

“Natile, ‘Ukushininkisha.’”

Kabili atile, “Ukuba, cinshi ulepilibula?”

21 Natile, “Ukushininkisha ukwapalwa, Yesu wandi; oh, ifyo kwawama ukusonda ubukata Ubwabulesa! Ndi mpyani ye pusukilo, uwashitwa na Lesa; uwafyalwa ku Mupashi Wakwe, uwasambwa mu Mulopa Wakwe.”

22 Atile, “Billy, nawishiba Ndetasha pali ico.” Atile, “Ico cintu icisuma nganshi. Lelo,” atile, “we mwana, ico tacakakushike.”

23 Natile, “Lelo Cikamfumya.” Nshisakamana palwa ico, Nshisakamana palwa kwingilamo; nipalwa kufumamo, mwamona. Eico Ndetontokanya ulya e musango tumfwa palwa cena.

24 Mailo mucungulo bushiku, ilyo Nasendele ilya Baibele, kabili Nalifililwe ukusanga lilye sambililo. Kabili Nabulile ilya Baibele iipya. Nabelenga ukufuma mu yakale, kabili Naimishe iyipya kabili noku Ibika pesamba lya kuboko kwandi nokwisa kuno. Kabili Napilibwile kuli cilya cifulo, kabili Natontonkenye ukkutula, “Ukuba, pano, Ndecetekela cali ni Yohane Washila 16:21,” kabili cena tacali ukubelenga nakalya.

Natile kuli Munyina Moore, “Bushe kulya eko libelele?” “Ee.”

25 Kabili Naloleshe kunuma, kabili talyalipo palya. Eico Natontonkenye ukutula, “Ukuba, babikile ibula pambi—ibula pambi.”

26 Elyo munyinane uyu alishile, Munyina Stanley, alishile; Bishop Stanley, ntile. Kabili Nshaishiba ifyo umwaume

apilibwile, Ine . . . Cali icitalaliko nganshi, nangula. Ena aishile kulubali lwandi, kabili atile, “Ikala tondolo, munyina, Lesa limbi ali nokucitapo icintu cimo.” Mwamona? Kabili ico calinkoseleshefye, ukutontokanya ukutila kuti alanda ico.

²⁷ Ndeingililamo nga cakuti aliilwike ukutila aliseseme? Lelo ilyo nacilalanda nankwe akashita akapita, ilyo nshila nina pano, Ndi uwashininkisha ukutila alicitile ico.

²⁸ Eico Naletele ico mu Mbila yandi iya pa *Bukali Bwakupapa* nefyaba ngefyo. Kabili namunshila yandi iinono iyabipa iyakucitilamo ico, palwe tunda; kabili ifyo lyena lifyalwa panshi nokukula, kabili nokwisa pamuulu, nokukwata akasuba, amatoni yamume, nefyaba ngefyo. Kabili nomba nokonaika kuco cifwile ukufwako, ukufyalwa ukufuma, ukuba, pakuti lyafuma. Kabili Naleesha ukupanga icakulangisha ica chalichi.

²⁹ Pamofye nga dokota apa, nga cakutila aile mukundapa umulwele. Twalikwata ba dokota ileelo abatila, “Iwe kuti wakusa ulukasa lobe, kunuma ya cishinshili, kabili nokundapa ipwalonda ilyaba pa cinso cobe, mwamona.” Lelo dokota musuma tekuti omfwe ku cintu icaba ngefyo. Ena ondapa umulwele umwabela ibuuku ilyo abelenga pakufwailisha pa fyamuti.

³⁰ Kabili iyo e nshila intu Njeshu ukundapilamo umulwele. Lintu Namona ichalichi nacilwala, Nshesha ukubeba ukutila balefwaya ukuposhanya kwa muminwe ukupya nangu icintu cimo, akabungwe akapya. Mfwile naundapa ico umwabela i Buuku ilyo Ine—Ine naishiba, mwamona. Kabili eico lintu Namona ichalichi, lilemoneka kwati lyalalwala kansakala, Mfwaya nabula cilya cine Icalembwapo umuti ico Ndetontokanyapo ukuba icalungama, kabili icapali kansakala, pakufumya yena mu chalichi; lintu Namona ulubembu lulefuma muli ico, cibafye munshila imoine!

³¹ Ndesha ukupanga icakupashanya pamo na Esau na Yakobo, kabili nomba nokubweshu inshita. Kabili Nshaye muli ico. Lelo ukuleta kucipandwa icakulekelesha Mwilembo lyandi ilya kulekelesha mukubomfya, nacilapashanya ico, tekukana konka amalembo, lelo nga fintu Yesu atile cili nokuba, muco Dokota mukalamba atile imibele ya chalichi ili nokuba, muli shino inshiku shakulekelesha, “Cili nokuba ni Laodekeya, umukankala, impofu, ubwamba, ichalichi icilaanda,” kabili cili nokuba icapashanishiwa namu nshiku sha Sodomu. Nomba, natwishiba ukutila ico e Cine. Nga cakutila kuti mwamona ico, mulyashi lyakale, Aletele munshiku shakwa Noa, mukubalilapo, kabili nomba na munshiku sha Sodomu. Kabili iyo enshila caendelamo, munshilafye imoine.

³² Kabili ilyashi lyakale, inshita ishingililaibwekeshapo, ilyashi lyakale lilacita, kabili eico eficita—eficita ubulayo bwamuli Baibele. Mucakumwenako, kwati muli Mateo 3, apo

catila, “Ukufuma mu Egypto Naitile umwana Wandii.” Nomba nga cakutilla mwatwalapo icakusontelelapo pali ico, cali ni Yakobo, umwana Wakwe, Aitile ukufuma mu Egypto; ulya ali mwana Wakwe uwacepapo. Lelo u Mwana Wakwe umukalamba, Yesu, aitilwe ukufuma mu Egypto, pamo. Eico cena cakwete u—ubwasuko bubili.

³³ Eico, kabili ukumona ifyo bena baile balelanda munshila palwa ico, kabili nomba Naletele amatontonkanyo yandi palwa ico. Kabili Naendele ukufuma pa . . . pacintamba, nokufuma ukuya. Abana bandi, ilyo twaleya ku ng’anda, balefwaya ukuti twingeminako pano pa ncende imo, ukushita umukate wabikwamo ifintu. Kabili Naile mukati, umukashi atile, “Billy, Naciba uwasakamana nomwenso Nshacishiba necakucita.” Atile, “Nine nakupele ilya Baibele.”

³⁴ Natile, “Teiwe wailebele, kabili teiwe waibikile pamo, we mutemwikwa.”

³⁵ Atile, “Lelo, mukutontonkanyafye ukutilla, Na—Nakupele Baibele i—iyakwete ifyalubene muli yena.”

Natile, “Ukuba, limbi tacali.”

³⁶ Kabili eico umo pa bana aliimishe, kabili twaleumfwa namabula. Iyo, yena yamonekefye bwino. Lelo ukuyafye pesamba, pali amabula yabili ayaikatene capamo, mwamona, kabili chapitala 16 yali kuli ulu ulubali, kabili nomba nokutwalilila kwa chapitala 16 caishileba pa lubali lumbi. Kabili neya 17 yatampile pa . . . mwamona, cena califye mukupwililika bwino bwino cimo cine, ukufumina. Kabili lilya ipepala ilyaku India, lintu lyacepa icine cine, lilekatana capamo, kabili Nalebelenga ukufuma pa chapitala 17 inshita yonse mucifulo ca chapitala 16.

³⁷ Kabili Natontonkenye ukutilla, “Mwe Lesa, mulandu nshi Mwacicitilla ico? Mulandunshi pengabela icintu caba ifyo nomba?” Ilyo litontonkanyo lyandi, namwishiba, ukumona ifyo cena calepilibula, pantu Ndetontonkanya takuli nangu cimo icicitika mukupumikisha. Kabili Naletontonkanya palwa cakwafwa cakwa uyu munyina pano, aisa, alenjeba, “Iminina uwabula ukusunkana,’ ena pakuba shimapepo atile, ‘iminina uwabula ukusunkana, limbi Lesa alecitapo icintu cimo,’” nangu icintu cimo muli uyo musango. Kabili Natontonkenye ukutilla, “Bushe ico kuti caba shani?”

³⁸ Kabili nomba, ilyo naikele palya, kwati cibulukuto capoka ukufuma mu Muulu caishile pali ine. Nomba, ici limbi tekuti cipange amano kuli imwe, lelo cilecita ico kuli ine, mwamona.

³⁹ Ndeibukisha, muli Luka chapitala 4, ukutilla Yesu aingile mwi synagoge lyaku Nasaleti, uko Akulile, nga fintu ulutambi Lwakwe lwali lwakuya mu chalichi pa . . . synagoge, pe Sabata. Kabili lintu Acitile ico, tulemona palya ukutilla shimapepo amupele Ena Baibele, Umufungilo. Yesu, aloleshe monse mu

Mufungilo, asangile pa ncende pamo, muli Esaya 61, kabili Abelengele i Lembo. Nomba Apele Baibele ukubwesha kuli kapyunga. Kabili nomba lintu Apilibukile kwi bumba, amenso yonse yali pali Ena. Kabili Atile:

... *Buno ubushiku* ili *Ilembo nalifikilishiwa*...

⁴⁰ Kabili twalishiba ifyo lilya i Lembo lyali ilyaibela mukubelenga, pantu Abulilefye ichipandwa cama versi 1 na 2, icakwa Esaya 61:1 na 2. Lelo Abelengele ukufika apa, apo catila, “U Mupashi wakwa Shikulu uli pali Ine, ukukaka abatobeka imitima, kabili no—no (kupela) ubundapishi kubalwele, nokwisula amenso ya mpofu, kabili nokushimikila ukupokelela kwa mwaka wakwa Shikulu,” kabili nomba Alekele. Pantu, icakonkapo cali kuleta ubupingushi; ico icili nokuba pa Kwisa Kwakwe ukwa Cibili, tekwisa Kwakwe ukwakubalilapo. Kabili Aiminine, nokupilibuka, nokutila, “Buno ubushiku ili i Lembo nalifikilishiwa.” Ifyo ico cali icalungatana!

⁴¹ Kabili we—we—wekulanda we kwali kwapali bakafundisha nakubantu abalipo, kabili Alandile ici pambilibili ku bantu ukutila, “Buno ubushiku ili i Lembo nalifikilishiwa.” Pantu apa Ali, ni Messiya, cibe bena tabacetekele ico. Ali Apa, uwasubwa Umo pali ilya nshita. Conse icinono ica bupyungishi Bwakwe, ukufuma pakufyalwa Kwakwe nokukula, ashininkishe ico Ali, kabili cibe bena tabacetekele ico. Wekulanda we! Lelo kuti Alanda ileelo...

⁴² Kabili nga cakutila umuntu aiswile amenso yabo, bena nga kuti baishiba, ukwishiba ubushiku ubo baleikalilamo, pantu ilya eyali inshita Yakwe, pantu Ali palya alecita bwino bwino ico Amalembo, bonse bakasesema, balandile icali nokucitika muli bulya ubushiku. Apa Alecita bwino bwino ico Lesa aseseme ukuti cali nokucitika! Nga bapushile shani ukucimona? Bena nga balicishibe mukwangufyanya, ukumona ifyo ubupyungishi Bwakwe bwali. Ulya ali palya ni Messiya. Bena nga balishibe ico, pantu Atile, “I Lembo nalifikilishiwa.”

⁴³ Ndetontonkanya pali buno bushiku ileelo. Kabili moneni ifyo cali ilyo—ilyo shimapepo apele i Cebo. I Cebo calibelengelwe, nokubwesha kuli shimapepo. Kabili icakwambula cakulekelesha ukufuma mwi sambilisho lyandi ilyo Nakwete, kabili na Malembo yandi yalembelewe, yali ukufuma mu Washila Luka 17:30, apo, Yesu alesontelela kuli buno ubushiku ubo tuleikalilamo, “iyafyuma, Inkulo ya Laodekeya,” kabili cibe yaba iyabola mufikansa fya calo, ifikansa fyamu chalichi namu fikansa fyamu calo, ukubafye iyabola ngefyo ingaba. Kabili nomba Atile, “Nga fintu cali munshiku shakwa Loti, efyo cikaba mukwisa kwa nshita yakulekelesha,” moneni ico Alandile palya, “mu bushiku ubo u Mwana wa muntu ali nokusokolwelwamo.”

44 Mwamona, “Mu nshiku isho u Mwana wa muntu ali nokusokolwelwamo!” Ndefwaya ntinte ukumfwa kwenu.

45 Mwamona, Aishile mu mashina yatatu. Aishile ngo Mwana wa muntu, uyo uwali ni kasesema. Kabili ico eco Acitile, Ashininkishe ubupyungishi Bwakwe, mukuba kasesema. Bonse twalishiba ico. Umo pali ifwe alishiba ico. Tatalile landa ukutula Aali Mwana wakwa Lesa; Alandile ukutula Aali Mwana wa muntu. Nomba, ileelo, Ena Mwana wakwa Lesa, ico ilyo Abwelele, kabili nomba Ali mumibebe ya Mupashi wa Mushilo, u Muntu uushimoneka; lelo cibe, ni Lesa, u Mwana wakwa Lesa. Mu myaka Ikana limo, Ali nokwikala pa Cipuna ca Bufumu icakwa Wishi Wakwe, ilyo Ali nokuba u Mwana wakwa Davidi. Ali nokuisokolola Umwine eka mukubalilapo ngo Mwana wa muntu, kasesema; muli iyi inkulo, ukupitila mu nkulo ya chalichi, ukuba u Mwana wa muntu. . . nangu u Mwana wakwa Lesa; kabili mu nkulo imbi, ali nokuba u Mwana wakwa Davidi. Abana batatu!

46 Lelo moneni pano, Atile, pa mpela yakupwa ukwa nkulo ya chalichi, cena cili nokuba mukufulungana ukwaba ifyo mpaka Akasokololwa nakabili ngo Mwana wa muntu, “ilyo u Mwana wa muntu akasokololwa.” Ifyo cali icalungama cilya icakusakana mailo! Kabili Ndesubila tamufwile ukucipusa ico.

47 Twalikwete ukusokolola kwa Mwana wakwa Lesa, lelo ubulayo bwa kulekelesha ubo Abrahamu akwete ilyo umwana talapangwa. . . nangu ukumuleta mukubapo, umo uyo bamulaile; ilyo umwana wa bulayo talamoneka, Lesa aisokolwele Umwine eka mulya mu Sodomu nga Kasesema, pakuba u Muntu, mu mubili, Lesa. Elohimu, nga fintu Nacumfwa umuntu alanda pakashita akanono akapitile, ico bu Lesa mu mubili ali muli Ena. Ewali umwisulo. Elohimu emwisulo wabu Lesa, mumubili. Kabili tulemona palya lintu Loti amwene. . . Lintu Abrahamu amumwene Aleisa, atile, “Shikulu wandi.” Bali batatu Bena. Kabili namulya mu Sodomu, Loti amwene babili, kabili atile, “ba shikulu bandi,” kubulisha ubusokololo. Eico moneni icacitike apa, lintu Aishile, ilyo Ailangishe Umwine eka ukwishibikwa.

48 Bushe tekuti, bushe tekuti Nande ici nga cakutula Nalifye ninsansamina pafikondo, mwamona, munyina aliseseme lintu alandile kuli ine paco acitile! Buno ubushiku! Lolesheni ico Acitile icalungama panuma yakubelenga lilya i Lembo. “Munshiku lintu u Mwana wa muntu,” te muntu, te muntu nse, “ilyo u Mwana wa muntu akasokolola Umwine pa lwakwe pakati ka bantu Bakwe nakabili.” Buno bushiku ubu ubulayo, munshita iyo ifwe tuleikalilamo, nabufikilishiwa ku menso yesu yene. Apilibwike palya pene ku lukuta, kabili ikumi nangu ikumi na babili, bonse abo abo bantu bali kulya, abashaishibikwe, Acitile cilya icintu cimo cine Acitile mu Sodomu. Buno bushiku ebo ili i

Lembo lisokolwelwe ku cinso cenu. Nalilengwa ukuba ilya cine ku cinso cenu.

⁴⁹ Nomba, munyinane, nkashi, mwemabumba, bakapyunga, bonse abo tuli pano, tuli bana bakwa Lesa, bushe tuli abapalamina shani kuli uku Ukwisa Kwakwe nomba? Nga cakutila nomba tulemona i Lembo ilyo Alaile, ilyofye umulilo taulapona mu Sodomu nokoca yena, kabili nokupashanya buno ubushiku kuli bwena, kabili nokumona lilya i Lembo bwino bwino ku menso yesu ukufikilishiwa, bushe tuli abapalamina shani ku Kwisa kwa Mwana wakwa Lesa nomba? Kulishani ukupalamina kwaku langishiwa kwa Malembo, kwati fintu Acitile ukupitila muli Abrahamu, ukuleta i Chalichi, mukupashanya, ico Ena ali e bulayo ku Chalichi! Kabili nomba tulesanga ukuti, ulubuto ulwakwa Abrahamu ulwa cifyalilwa, ifyo bena bafililwe. Lelo u Lubuto ulwa bufumu ulwakwa Abrahamu, ulo ukupitila mucicetekelo mu Cebo icalailwe, nomba lulalangishiwa pesonde ileelo. Tuli pa nshita yakulekelesha, munyina wandi, ba nkashi. Ifwe tuli panshita yakulekelesha.

⁵⁰ Kabili tatukwete cimo icakupashanya cimbi. Mfwile napashanya Amalembo pantu Ine nshakwata amasambililo ayalinga ayakuleta ifyebo ne fintu. Ndapanga icakupashanya. Lelo nga cakutila Namona mu finshingwa...Nga cakutila Nshatalile mona ukuboko kwandi kabili nokumona icinshingwa, Nalishiba Nalikwata iminwe isano. Kabili iyo enshila imwe mufwile ukumona ifyakupashanya fyamu Malembo ifya mu Cipanganano ca Kale. Bushe cinshi ico cicita? Cena cifimba pali ici. Kabili Yesu atile ukuti ilya Sodomu eyali icakufimba panshita yakulekelesha nomba. Kabili nayalya yene Amalembo ayalailwe kuli Sodomu, kabili yalya yene Amalembo ayalecitika mu Sodomu, Ayo Yesu atile yali nokuibwekeshapo ayene palwayako nakabili muli buno bushiku, yena nayalengwa ukwishibikwa nombaline ku cinso cesu ileelo.

⁵¹ Lesa amipale. Tamufwile ukupusa ico. Kabili nga cakutila Nshimimwene mu mwaka uukakonkapo; ilyo bakalanina Amasitepu ya Golide, Ndesubila ukumikumanya Kulya. Lesa amipale.

[Nkashi alandila mu lulimi lumbi, kabili nomba apela ubwilulo. Munyina aisa kucisoselo nokutungulula ulukuta mukwimba *Ena Aleisa Bwangu*. Tapali amashiwi pali tepu—Kale.]

⁵² Taata, ifwe tuli...[Tapali amashiwi pali tepu—Kale.] Umwabela Amalembo, tulemona ukulangishiwa, ku cinso cesu, icishibilo cakulekelesha ne cakupashanya. I Fyebo fyakwa Yesu Kristu fyatile ici cili ifyo. Pamofye nga fintu cali mu Sodomu, ifwe nifwe isonde mu mibele lyaliko, tulemona ichalichi mumibele yaciko, tulemona a—a Basalwa ukwitwa ukufuma mu

cilonganino conse; u Mweo, uwaba muli ifyo ififulo, ulefuma nomba ukubula imibele ya Lubuto. Twapepa, Taata wamu Myuulu, ukutila tuli nokubuka bwangu.

⁵³ Nga fintu munyina acilandafye nomba, acimona ku cinso cakwe, kabili lintu acishibata amenso yakwe, amabumba yacilaya kuli ena. O mwe Lesa, tuleumfwa ukutila kuli amabumba ayengi ayashilaikatwapo nomba. Twafwilisheni, mwe Lesa watemwikwa. Leken i tuye ukufuma muli uno musonkano nokusokwa ukwaba ifyo mu mitima yesu, ukwishiba ukutila buno ubushiku ili i Lembo nalifikilishiwa. Mwi Shina ilyakwa Yesu. Ameni.

⁵⁴ [Munyina Demos Shakarian atila, “Alleluya. Kalemba wesu, Jerry Jensen, kuti waisa pano? Nafyala wakwe—wakwe mulwele naleka nokolanda nangu cimo, teifyo fine. Elyo apokelelafye amashiwi. Kabili kuli bakapyunga ba Mbila nsuma, bakapyunga bapa Foursquare. Bushe kutifye. . . Ena ali, Ninjishiba ukutila ali nomutima nafininwa nganshi. Kabili, kabilifye. . .”—Kale.] Elyofye acipokelela ico nomba, acumfwafye, acumfwafye nomba? [“Ee.”] Bushe bali pano? [“Iyo, bena, bena bali ku Los Angeles. Mubulwele pepi nemfwa.”]

⁵⁵ Intamfu taipanga ubupusano kuli Lesa. Asangwa Konse konse. Afwile aba, pakuba Lesa. Ifintu fimo ifikalamba ifyo Naishiba ificitwa, mu bupyungishi bwandi ubwaicefya, kupitila mulilamya, nangu umuntu umo ukutuma, ifintu ifikalamba filacitika. Bonse natusuminishanye capamo ukutila Lesa alaundapa aba bantu abalwele.

⁵⁶ Taata Watemwikwa uwamu Myuulu, twabaleta Mukubapo Kwenu, nepopo. Twalishiba ukutila ubushiku bumo kwali umutumwa uwaisalilwe mukubomba konse lilya; ali mucifungo kabili ali nokuputulwako umutwe mu bushiku bwakonkapo. Palya pa ng’anda yakwa John Mark balikwete ukulongana kwamapepo, kabili mulya mwine mufitolokoshi fya mukati kwaishile ilya i Ntumba ya Mulilo imoine ilya iyalekonka abana bakwa Israele, nangu abana bakwa Israele balekonka Yena ukupita mu matololo; yaishile palya pene mukati, pamulandu wakulongana kwa mapepo, nokwisula icibi icili conse, nokufumya umutumwa ukumutwala pamusebo nakabili, ali umuntungwa mukupyunga.

⁵⁷ Natukutuluka ukutila aba bakapyunga, abantu ba minshoni, bali abakakwa mukati nomba, bali—bali nangufye mukukana umfwa. Shikulu, Imwe mwaba cimo cine mailo, ileelo, no muyayaya. Umfweni ipepo lyesu muno bushiku, O mwe Lesa. Mwatile, “Lintu mwapepa, mucetekele ukutila namupokelela ico mwaipushapo, ico cili nokupelwa kuli imwe.” Shikulu, natucetekela, nokupepa ukuti mwi Shina lyakwa Yesu, ukutila Mwalabondapa, Shikulu, pa bukata Bwenu. Cena nacilandwa, nacipushiwa, nomba lekeni cicitwe. Ameni.

58 Lesa akupale, Jerry. Iwe cetekela pamo naena.

Munyina Demos.

59 [Munyina Demos Shakarian atila, “Natotela, Munyina Branham, Jerry. Lesa Alumbanishiwe. Ndefwayafye mukwangufyanya ukukwata abantu ukwimininako. Munyina Arganbright, umo pali bakatungulula bamu calo; eminineko, Munyina Miner. Jack Moore, iminineniko. Clifford Ford. Doerflein, ukufuma ku Seattle. Charles Colonel Young. Enoch Christoffersen, Turlock. Jess Winemore. Ike Akamine, ukufuma ku Fishi fya Hawaiiian. Owe, ifyo caba ipalo! Ifyo ena apalile imyeo yesu pano, ubushiku bumbi. Nalimutemwa. Ena e nkombe yesu iya U. S. uyo uwabombele pesamba lyaba kateeka cine lubali, Gerald Roll; William Roll, Lesa amipale, munyina. Dokota Ray Marlin...?...! Lesa apale Ray...?...! Earl Prickett.”—Kale.]

60 [“Kabili Munyina Branham apelwe umucinshi bumembala, bu membala bwa mweo wakwe onse, mukupwililika pe shina lyakwe. Kabili umo uwa banono abo abasalilepo, kwibumba lyaba katungulula, imyaka iingi iyapitapo.]

Natotela, munyina.

61 [“Kabili Carl Williams, uyo wa mutemenwe nganshi. Na Munyina Henry Krause kapanga wafyakuliminako. Jewel Rose, kalemba kabili kasunga wacipao. Umulimi, Frank Foglio, mu...?...Kabili tekuti Ntontonkanyepo pali *iwe*; Ine tekuti.” Munyina atila, “Ni Derrick Fredo.” Munyina Shakarian atiila, “Oh, Munyina Derrick...?... , ifyo ifwe tuletasha pa bupyungishi bwakwe! Owe, kabili caliba icawamisha nganshi, kabili—kabili ifingi nganshi! Dokota Stanley, afumine mu Canada, Canada yaku kabanga.]

62 [“Munyina Howard Elvin, ninkumona kunuma uko, Howard Evin. Kabili twacikwata abobe...Bushe nibanoko ba...?... Twacibeminika, akashita akapitapo, Howard, ilyo waciba nabana abanono.]

63 [“Kabili Ndefwaya ukumona cilya icikope cakwa Munyina Branham, icakopelwe imyaka amakumi yabili iyapitapo.”] Huh!

64 [“Munyina Norwood, Munyina Norwood afumine ku Musumba wa Kansas. Munyina Ben Smart afumine ku Colorado. Hebert Bond, afumine ku Los Angeles, umo uwa ba katungulula ba mu Los Angeles, alebomba umulimo uukalamba kulya. Kabili Fred Watson, kakumba uwikele kulya lubali, kulusoso. Art Wilson pano, kabili tatwacikwata incende pano apakuti ekale, eico ekele nabanamayo bonse. Kabili banamayo bonse pano bakashi babakatungulula. Kabili imwe bonse mwebantu abasuma!]

65 [“Bushe Ninshapo bamo? Bamo bakatungulula baliya kung’anda mailo. Darrell Hon...?...aciya. Eico natulange aba

baume ukutila tulatasha pafyo babomba, nomba. Ameni. Kabili Nshishilepo nangu umo.]

⁶⁶ ["Munyina Branham. Isa kuno, Munyina Branham. Nawishiba *ulya* muntu?"]

Iyo, mukwai. Ukucinja ukwingi ukutula shilye nshiku, ba munyina.

["Isa kuno, Howard.]

⁶⁷ ["Ena ali umuntu umusuma nganshi, kabili ena acili umusuma, Munyina Branham. Kabili ico cikope icisuma.]

⁶⁸ ["Kabili twacimya banoko pakashita akapitapo, nabo. Kabili nalimo iwe kuti watemwa ukulandapo ishiwi, Howard."]

⁶⁹ [Munyina Howard Erwin atila, "Pakati kamyaka ikumi limo na ibili nekumi limo na isano, Bamayo ba Edith balyundepwe kubulwele bwa Cifungalashi, ubo Naishiba ukuti tabupola. Nshishibe nga cakutila Munyina Branham alimwebele efyo cali. Kabili Ndetontonkanya nga kuti Nasendafye akashita kakucita ico. *Ici* citupa cabo ico bapokele icapamulongo wakupepelwa. Tabaishilepo napamulongo wakundapwa. Bena balikele, baikele mumulongo wacibili, mu cikulwa muno mu Phoenix. Munyina Branham alishimikile nganshi, alinaka icakuti afililwe ukupepela abalwele. Lelo ilyo line aloleshe pali bena, aloleshe ukutonta fye pali bena, kabili atile, 'Iwe kuti waundapwa nga ulefwaya ukundapwa.' Kabili bafumine muli ulya musonkano, nabondapwa, kabili bacili abaundapwa."]

⁷⁰ [Munyina Shakarian atiila, "Cena cali ukucululuka ukushingondapwa. Bushe teifyo fine?"]

⁷¹ [Munyina Elvin atila, "Ee. Ning'umfwa ukutila ubulwele tabundapwa. Kabili ba dokota besu balanundika; Ndi muntu uwaicibafye ifinono pafyamiti. Lelo Ndomfwa ukutila bulwele ubwikata kumishipa, ubo bwikata mukupalanako nefibashi. Imishipa ilatinika—ilatinika umulopa ulekana ukupita, kabili pampela iminwe ilabola nokufumako. Kwaliko ukubombelwa kumo ukwamucipatala, dokota ku Kabanga, atile kuti abomba, kabili ico cali ukuputula umushipa *apa* pamulu; lelo, nga cakuti bacitile ico, nga balifye nobulebe. Lelo Lesa, ku maka Yakwe ayapulamo, nabondapa, kabili bena balyundapwa nelelo."]

⁷² [Munyina Shakarian atiila, "Lekeni beminineko nakabili, kunuma uko."]

[Munyina Elvin atila, "Bushe kuti mwaimininako, Mayo ba Edith?"]

⁷³ [Munyina Shakarian atiila, "Kabili ubo epo buli, imyaka amakumi yabili kuntashi." Munyina Elvin atila, "Imyaka ikumi limo na isano iyapitapo." Munyina Shakarian atiila, "Imyaka ikumi limo naisano kuntanshi." Munyina Elvin atila, "Imyaka ikumi limo na isano iyapitapo."]

74 Ndetotela Shikulu! Kuliko umuntu umo untu bashile. Ifwe bonse tuletotela Munyina Shakarian. Bushe tatulecita ico? Cila umo muli ifwe!

[Tapali amashiwi pali tepu—Kale.]...ukuba
nga Yesu,
Pe sonde...ukuba nga Ena;
Mu bulendo bonse ubwamweo, ukufuma
pesonde ukuya ku Bukata,
Efyonse ifyo Ndeipushafye, ukuba nga Ena.


Natupepe.

75 Shifwe uwa mu Myulu, ifwe kuti twaelenganya muno bushiku lintu Mwaiminine mumbali yacibumba inshita imo nokulolesha abantu baleisa nokubikwa mucipao cakwa Lesa. Kabili Mwalimwene uyu mukamfwilwa alepita nendalama ishinono fye, amakobili fye ayanono aya cekumi, limbi alikwete abana bamo ku ng'anda, lelo ena ali uwatemwinwa mu Bufumu. Takuli ukutwishika ukutila ici nacicitika nakabili buno bushiku. Abantu abengi nababikamo, mubutuntulu bonse fyonse ifyo bakwata muno mwine muli uyu musangulo, pantu cena nacibikwa kuli ifwe, ukutila kuliko icakukabila, kabili imitima yesu ili muli ici, Taata.

76 Lyonse ndatontonkanya, nalimo nga Naliminine kulya, nga cali nine ukulolesha pali ulya mukamfwilwa, Nga nalibutukile kuli ena nokutila, “Wicicita, nkashi. Ifwe— ifwe tatulekabila ico.” Lelo nalimo cena nga cali cilubo. Imwe tamwamukenye ukucita ico. Mwaiminine fye nokumulolesha ukucicita, pantu Mwalishibe ukufuma mu mutima wakwe, Mwali nokubwekeshapo pali ico.

77 Taata, Ninjishiba ukutila Mwalishiba amapange ya mutima onse ayo ayabikilwe muno muno bushiku, kabili nomulandu yena yabelapo. Cena nipamulandu wa Bufumu, Shikulu, ukutila i...uyu mulimo uo ifwe tuleipakishapo nganshi, kabili ili senge, Shikulu, pa filonganino fyonse ifikalamba ifye sonde. Tuleumfwa ukutila tuli abantu abashuka nganshi ukuba muno muno bushiku mu Kubapo kwakwa Lesa, ukumfwa ici Cebo icikalamba ukwisa nokulenga ukulangishiwa, ukushininkisha Lesa ukuba pakati kesu!

78 Lesa, peleni kuli cila umo kabili cila umo muno ngefyo balekabila. Twapepa nomba ukutila Mwalapala umusangulo ku mulimo wauko. Twalombela ici mwi Shina lyakwa Yesu. Ameni.

Lesamupale. 

65-0125 Buno Bushiku Ili Ilembo Nalifikilishiwa
Ramada Inn
Phoenix, Arizona U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org